

Sakspapir

Saksnr	Utvalg	Type	Dato
089/23	Formannskapet	PS	05.10.2023
094/23	Kommunestyret	PS	26.10.2023

Sakshandsamar	Arkiv	ArkivsakID
Rigmor Ludvigsen	FE-033	23/1042

Oppretting av eit rådgjevande organ for Austrheim Frivilligsentral

Vedlegg

Forskrift om tilskudd til frivilligsentraler
Årsmelding Austrheim Frivilligsentral 2022

Framlegg til vedtak:

Levekårsutvalet blir rådgjevande organ for Frivilligsentralen i Austrheim.

Formannskapet - 089/23 - 05.10.2023

FS - behandling:

Kommunedirektør Bjørnar Fjellhaug orienterte om saka, jamfør saksutgreiinga.

- Har noko eigne tilskotsmidlar direkte til Frivilligsentral.
- Er no inndelt i eige budsjettområde, jamfør sak 088/23 om "Endring av organisasjonsstruktur og ansvar i økonomisystemet"

Inger-Lise Brekke (H) spurte om ein har sikra at frivilligheten er representert i dette rådgjevande organet, slik det ligg i føringane frå Staten. Kommunedirektør Fjellhaug viste til at det er sagt frå kommunestyret at levekårsutvalet skal rekrutterast breitt, men at det ikkje ligg noko føring på at Frivilligsentralen skal ha eigen plass i levekårsutvalet.

Helge Dyrkolbotn (KrF) sa at frivilligheten er betre representert om det er levekårsutvalet som er rådgjevande organ for Frivilligsentralen, enn om det er formannskapet.

Ordførar Per Lerøy (Ap) viste til at formannskapet har vore styre for Frivilligsentralen, men ikkje er det i dag.

Ordførar Per Lerøy (Ap) refererte vedtaket.

Handsaming i formannskapet:

Kommunedirektøren sitt framlegg vart samrøystes vedteke

FS - vedtak:

Levekårsutvalet blir rådgjevande organ for Frivilligsentralen i Austrheim.

Kommunestyret - 094/23 - 26.10.2023

KS - behandling:

Kommunedirektør Bjørnar Fjellhaug orienterte om saka, jamfør saksutgreiinga.

Ordførar Morten Sognnes (H) refererte framlegget til vedtak.

Handsaming i kommunestyret:

Samrøystes for formannskapet si tilråding til vedtak.

KS - vedtak:

Levekårsutvalet blir rådgjevande organ for Frivilligsentralen i Austrheim.

Saksopplysninger:

Saksutgreiing:

Ein kvar kommune skal ha ein frivilligsentral. Forskrift for tilskot til frivilligsentralar regulerer ein del kriterium for tilskot til sentralen. Forskrifta er lagt ved og gjort greie for under.

Frivilligsentralane kan organiserast ulikt. Nokre kommunar har lagt ut til at private og lag- og organisasjonar driv frivilligsentralen på vegne av kommunen. I Austrheim kommune er frivilligsentralen organisert som ei kommunal teneste.

Retningslinjene er tydeleg på at frivilligsentralane skal ha eige rekneskap og årsrapport. Det vert difor oppretta eige ansvar for Austrheim frivilligsentral.

Organisering:

Austrheim kommune er eigar av sentralen og mottek 60 % statleg støtte frå kultur- og likestillingsdepartementet. Kommunen dekker minimum 40 % av sentralen sitt budsjett. Austrheim Frivilligsentral har dagleg leiar i 100 % stilling.

Retningslinjer frå Kultur - og likestillingsdepartementet:

«Frivilligsentralene er lokale møteplasser som skal stimulere til frivillig innsats og være et bindeledd mellom kommunen og frivillig sektor.

Frivilligsentralen søker om statlig støtte hvert år.

Kravene i forskriften til en sentral er:

- 1. drive virksomhet i samsvar med formålet i forskriftens § 1, tilpasset lokale forutsetninger og behov (sjå vedlagt lovdata)*
- 2. være eid og driftet av enten en kommune, en virksomhet i Frivillighetsregisteret, et samvirkeforetak der samtlige medlemmer er kommuner og/eller virksomheter i Frivillighetsregisteret, eller en kombinasjon av de nevnte*
- 3. ha et rådgivende organ som kan påvirke driften av frivilligsentralen, der frivilligheten er representert*
- 4. ha eget regnskap og årsrapport*
- 5. ha tilgang på fysiske lokaler*
- 6. ha minst ett årsverk, som hovedregel én person i 100 prosent stilling*
- 7. ha lokal finansiering tilsvarende minst 40% av frivilligsentralens totale driftsinntekter*
- 8. benytte ordet "frivilligsentral" eller likelydende i frivilligsentralens navn»*

Konklusjon

3. punkt i retningslinjene frå Kultur- og likestillingsdepartementet seier:

«Frivilligsentralen skal ha et rådgivende organ som kan påvirke driften av frivilligsentralen, der frivilligheten er representert». Ved opprettinga av Levekårsutvalet, ser kommunedirektøren det som naturleg at dette utvalet fungerer som det rådgjevande organet. Levekårsutvalet vert det rådgjevande organ for Austrheim frivilligsentral.